

明

史

禮二十

凶禮四 廟陵 忌辰

謁祭陵廟洪武元年遣官致祭臨濠仁祖陵二年禮部尚書崔亮以加上英陵尊名請下太常行祭告禮時太常博士孫吾與以爲山陵之制莫備于漢初未有祭告之禮蓋廟號與陵號不同廟號是易大行之號故必上冊諡以告之神明若陵號則後嗣王所以識別先後而已歷代皆不以告願罷英陵祭告亮曰加上英陵號尊歸先世考之典禮如漢光武加上先陵曰

昌宋太祖廟上高祖陵曰欽曾祖陵曰康祖曰宣
考陵曰安蓋創業之君尊其祖考則尊其陵
陵亦必以告禮緣人情臣以爲告之是廷議皆是亮
遂命俟英陵碑石成遣太常行祭告禮泗州熙祖陵
每歲正旦清明中元冬至及每月朔望本署官供祭
行禮又即其地望祭德祖懿祖二陵仁祖英陵改尊
號曰皇陵每歲正旦清明中元孟冬冬至俱署官行
禮朔望中都留守司官行禮八年詔翰林院臣考議
陵寢朔望節序祭祀禮學士樂韶鳳等奏按漢諸廟
寢園有便殿日祭于寢月祭于廟時祭于便殿後漢

都洛陽以關西諸陵久遠但四時用特牲祀每帝西
南即親詣洛陽陵每正月祀郊廟畢以次上陵唐園
陵之制皇祖以上至太祖陵皆朔望上食元日冬至
寒食秋臘社各一祭皇考陵朔望及節祭日進食又
薦新于諸陵高宗永徽二年有司言獻陵三年之後
每朔望上食其冬夏二至伏臘清明社等節亦上食
唐玄宗開元二十三年勅獻昭乾定橋恭六陵朔望
正食冬至寒食日各設一祭如節祭與朔望相值依
節祭禮宋每歲春秋仲月遣太常宗正卿朝祖宗諸
陵我朝祭稯皇陵舊儀每歲元旦清明七月望十月

朔冬至日俱用太牢遣官致祭白塔山處則用少牢
中官行禮今擬如舊儀增夏至日用太牢其餘臘祀
每月朔望日則用特羊祠祭署官行禮如節與朔望
伏臘社同日則用節禮從之十六年孝陵殿成命皇
太子以牲醴致祭其儀是日清晨執事者于殿中陳
祭儀畢引禮內官引皇太子親王由東門入就殿中
拜位贊拜皇太子以下皆四拜皇太子少前跪諸王
皆跪皇太子三上香執事內官以爵酌酒授皇太子
內官受爵置手案贊讀祝內官捧祝于香案前跪讀
曰近者園陵始營祭享之儀未具今禮殿既成奉安

神位謹用祭告讀訖皆興行亞獻終獻畢贊拜皇天
手以下皆四拜執事者捧祝帛詣燎位禮畢二十六
年令車馬遺陵者及守陵官民入陵者百步外下馬
違者以未不敬論建文初定孝陵每歲正旦孟冬忌
辰聖節俱行香清明中元冬至俱祭祀特令勳舊大
臣一員行禮南京文武官俱陪祀若親王之國過南
京者詣陵官員以公事入城者謁陵出城者辭陵國
有大事遣官祭告懿文太子陵在孝陵左四孟清明
中元冬至歲暮及忌辰凡九祭俱孝陵祠祭署兼主
也祭樂元年工部言祖陵舊用黑瓦帝命易以黃瓦

如皇陵之制宣宗即位遣鄭瑄之南京謁祭陵仍
命豐城侯李賢行在兵部李慶從行詔行在禮部議
禮儀及隨從官員賞賜宣德元年二月清明節車駕
發京城謁長陵獻陵至天壽山遙望二陵松柏鬱茂
因嗚咽流涕及詣陵行謁祭禮不勝哀慟左右亦皆
感泣以山陵將訖工賞賚督工官及工匠軍民有差
莖統二年諭天壽山陵寢所在敢有剪伐樹木者治
以重罪都察院出榜禁約仍命錦衣衛官校巡視工
部同欽天監官環山立界十年駕詣長陵獻陵景陵
屬德孝武群臣陪祀又諭行在禮部曰山陵祭祀哀

歲存焉服飾華麗豈禮所宜今後每遭諸陵行禮之
日百官俱具淺色衣服如洪武永樂例司禮太監陳
祖垂奏魏國公徐備每奉命孝陵致祭皆由紅券門
并金閤陵門之右門入至殿內行禮事屬僭妄宜令
改正備疏辯以爲入必由紅券門者所以重祖宗之
至尊皇上之命出則由旁小門者所以守臣下之分
循守故事幾及百年豈敢擅易事下禮部議謂今長
陵等陵及太廟每遣官致祭所由之門并行禮殿內
與孝陵事體大畧相同宜令備如舊行禮從之弘治
九年差由官一員奉勅監護鳳陽皇陵凡官員以公

事繼過者輒謁陵中地年初議將以孝肅太皇太后
附葬裕陵山陵開出遣駙馬馬誠黃鏞分告諸陵其
部左侍郎曾鑑告夫壽山后土之神及禮官議別建
廟奉安神主後陵事竟不行蓋欽天監以爲歲殺在
北方向不利內宮監亦謂事干英廟陵寢難以輕動
而帝意終不能已乃于陵殿神座奉移英廟居中孝
莊居左而孝肅居其右云正德間長陵以下諸陵各
設神宮監并衛及祠祭署凡清明中元冬至俱分遣
駙馬都尉行禮親主之國詣諸陵辭謁恭讓章皇后
陵遇清明中元冬至及忌辰俱遣內官行禮恭侍康

定景皇帝陵在西山遇清明中元冬至及忌辰俱遣
儀賓行禮嘉靖十年二月帝諭內閣曰昨因議進祖
陵皇陵二山名朕思孝陵在鍾山亦宜同體定皇既
封黃土山爲永壽山今又擬顯靈爲純德山而獨鍾
山如故于禮未安朕惟祖陵宜曰基運山皇陵宜曰
翊聖山孝陵宜曰神烈山並方澤從祀以基運翊聖
永壽山之神位護于五嶽之前神烈純德山之神位
次于五鎮之序仍預聞之祖考及命所在有司官祭
告各陵山祇禮官奏神祇壇每年秋報露祭地祇內
廟鍾山永壽山之神今方澤從祀增製基運等山神

其禮祗壇壝宜增製從之中四年諭禮部尚書奠享
清明節既遣官上陵行禮內殿復有祭禮似嫌廢復
言請更正其禮因言我朝祀典之在宗廟爲有司所
掌者如特寧時祭祔祀神祭足應經義可爲世法辨
是上陵禮儀及奉先殿亦應祭祀多沿前代故事况
掌在內庭容有禮官所未及知者竊見國家上陵之
祀每歲凡三清明中元冬至是也夫中元係在俗節
事本不經往因郊祀在正首故冬有上陵之禮蓋重
耕氣之始用俾報本之義命皇上復郊典于冬至既
行大報配天之禮則追報本始于郊禮爲重而陵祀

爲輕况有事南郊之日乃輟陪祀臣僚遠去山陵恐
予尊祖配天之誠若有所分臣愚以爲冬至上陵可
罷而中元陵祀遣官之禮可移于霜降日舉行惟清
明節近陵如舊蓋清明禮行于春即禮經所謂雨露
旣濡君子履之有怵惕之心者也霜降禮行于秋即
所謂霜露旣降君子履之有悽愴之心者也若夫二
節旣有遣官陵祀之典則內殿之祭誠不宜重複舉
行遂著爲令十四年帝謁陵還御行宮召武定侯郭
勛太學士李時等諭之曰七陵多有損壞當併工修
葺長陵神遺宜用石甃其石像等宜各護以石臺十

五年益所書夏言曰廟重孝陵禮制故嚴廟中一帝
世后陵則三三后配葬合別建奉慈殿不若舉主于
陵殿爲宜且梓宮配葬而主乃別置近于黜之非親
也此言會內閣覆奏乃奉遷孝肅孝穆孝惠三后神
主于陵殿歲時祔享陵祀如故又論夏言曰三后神
主稱皇太后太皇太后者乃子孫所奉尊稱今既奉
遷陵殿實同帝后之列揆之名實于禮未宜似當更
無言等議曰禮天子惟一帝一后配享于廟禮之正
也祭三后神主禮祔祔廟義當從祔已經聖明定制
違兼陵殿深合典禮但三后稱皇太后太皇太后于

奉慈殿乃子上尊號于母孫上尊號于祖母禮也若
今日孝肅太皇太后奉還于裕陵實在英宗睿皇帝
孝莊睿皇后之側孝穆皇太后孝惠太皇太后奉迂
于茂陵實在憲宗純皇帝孝貞純皇后之側則當從
夫婦之義而不當仍襲子孫之稱臣等據禮會議請
致題孝肅神主止稱孝肅貞順康懿光烈輔天成聖
皇后不用睿字孝穆神主止稱孝穆慈慧恭恪莊禧
崇天成聖皇后孝惠神主止稱孝惠康肅溫仁懿順
協天佑聖皇后俱不用純字則嫡庶之稱有別夫婦
之分無嫌尊親並隆矣命如擬行又諭祭告天壽

山長陵等七陵俱躬叩拜西山皇高祖妣恭讓章皇后皇曾叔祖景皇帝陵亦展拜一次以慰追慕之情十七年諭禮部以成祖二妃墳并憲廟十三妃墳宜各立石碣表識又金山諸妃墳所之祭皆以併入天壽山各陵殿設木位配祀其金山墳祭罷免及秋將舉秋祭禮官以木位未成請暫以紙位標設是年改陵殿曰祫恩殿門曰祫恩門又建成祖聖蹟亭于平台山率從官行祭禮二十一年禮部覆工部尚書顧璘疏陳興都禮制謂舊邸鼎新當與南京內府相同宜令舊邸中官更日防守巡徼直廬以嚴體統又請

以皇止大狩生陵聖製歌詩製爲樂章享獻陵廟但
顯陵與天壽山諸陵事體相同而諸陵歲祀原不用
樂隆慶殿與奉先殿事體相同而奉先殿時享亦不
用樂似難創議恭陵寢供事費之奉祀祀丞隆慶殿
晨夕止食資之司香內臣行守備太監及分守道時
加督查報可已而丞天府守備太監傅霖以顯陵歲
暮無祭奏乞增設復下部議言顯陵規制盡視七陵
諸陵歲時薦享止元旦清明中元霜降冬至節舉行
原無歲暮祀典至若四立歲暮五享者惟奉先殿已
如制修舉是顯陵歲暮祭祀似難創增詔從部議顯

陵司香案暨楊保憲陵殿門墻規模狹小乞韶丞選
出諸陵制更造工部尚書趙璜言陵制當與山水相
稱恐難縣同今殿墻已易黃瓦但宜添設明樓石碑
及改司香衙門爲神宮監設置護衛由顯陵衛其餘
房屋不必改作俱從部議五月禮部尚書嚴嵩等言
諸陵所建列聖碑亭并石碑俱完長陵碑二通獻陵
景陵裕陵茂陵泰陵康陵碑各一通皇貴妃石碣一
座東面二并石碣一座考成祖聖德神功碑文乃仁
宗御撰余諸陵碑文請皇祖親御宸翰製定鐫石以
紀述列聖功德垂示萬世其皇貴妃及東西二并碣

文合行翰林院撰擬報聞隆慶三年帝躬詣天壽山
春祭禮部奏止儀注前朝一日止以將詣天壽山春
祭行禮告奉先殿及世宗皇帝几筵殿弘孝殿神霄
殿用祝文祭品如常儀錦衣衛設丹陛儀衛扈行兵
部奏請簡命文武大臣居守京師請勅行事及奏請
直守皇城四門京城九門分調京營遊叅等官把守
各山口關隘戎政衙門選點扈軍馬及差科道官點
閱戶部例關給扈從官軍行糧工部差官修理橋
梁道路光祿寺隨處預備御膳及供具教坊司備大
樂扈從官在途供事以便乘朝祭以常服至日免朝

駕發由長安左門出后苑繫轡由東安門出履狹路
前行居守百官俱去服趨赴德勝門外恭候送駕是
日駕次鞏華城行宮昌平州官吏諸人跪迎道旁駕
至行宮進畢出陞座從宦朝見行叩頭禮如常儀鴻
臚寺官引昌平州官吏師生及公差有事官員見行
五拜三叩頭禮明日上至天壽山紅門降輦由左門入
陞輿后妃後隨駐蹕感思殿越二日質明行春祭祀
采其青袍乘板輿至長陵門外東降輿導引官導上
至殿空門外典儀唱執事官各司其事內贊對引官
導上至拜位詣香案前三上香復位四拜典儀唱奠

帛行初獻禮內贊導上至神御前奏獻帛訖導上至
成祖文皇帝御座前奏獻爵訖仁孝文皇后御座前
奏獻爵訖奏復位跪讀祝訖奏俯伏興行亞獻禮執
爵者代獻訖奏四拜典儀唱讀祝官捧祝進帛官捧
帛進詣燎位上退拜位之東捧祝帛官出殿門內贊
奏禮畢凡行禮傳贊百官同上隨詣永陵行禮俱如
長陵儀是日遣官六員俱青服遵炤欽命分詣獻陵
景陵裕陵茂陵泰陵康陵行禮駕發回京大樂鼓吹
振作駕由長安左門入后妃輦轎由東安門入上詣
奉先殿世宗皇帝几筵弘壽殿神霄殿謁告行禮俱

如初儀萬曆八年帝奉兩宮皇太后率后妃謁陵地
詣長陵次詣永陵昭陵其各陵俱遣官行禮十一年
禮部言頃歲聖駕詣陵惟長陵永陵昭陵躬行祭告
其列聖陵寢多命官恭代揆之聖心追遠感時尚有
歉然其未盡者今次謁陵仰稽皇祖世宗彞憲酌分
二日以次展拜庶禮意周洽帝報云長陵永陵昭陵
上香八拜親奠帛初獻六陵二寢恭遵皇祖欽定躬
上香四拜其奠帛三獻俱執事官代十三年禮科萬
象春請復建文之陵號正景皇帝之廟享不允十四
年禮部覆准陵寢之祭與宗廟之制不同廟祭止于

正后而陵祭則諸后妃皆與焉先是長獻景裕茂康
六陵諸妃祔葬者祭于陵寢而葬金山諸處者祭于
本墳迨嘉靖十七年秋六陵妃俱配享各陵殿罷本
墳祭所以明萃渙之義篤宮闈之親乃世廟諸妃安
厝于金山等處者曾無一祔享于陵殿宜升之永陵
之殿一體配享而罷其本墳之祭其陵祭品物之式
九陵恭讓恭仁之陵止于酒果而越靖等王及諸王
妃則又有牲帛祝文反從其厚者蓋以九陵帝后歲
暮已祫祭于廟矣旬日內且復有孟春之享故元旦
之祭在陵殿止用酒果者非儉也禮也茲諸王諸妃

則禘禘春禘既皆不與而元旦一祭不宜從簡故用
牲帛祝文非豐也亦禮也特恭讓恭仁既不與禘禘
於廟中又不設牲帛于陵殿是則禮文之缺宜增其
所未備至于祝享有文所以達忱今諸王及諸妃墳
所祝文俱係安厝之初祭所用世代屢更猶復仍舊
宜改撰通用祭文一道止敘歲時遣官之意則情順
禮安矣凡山陵規制有寶城惟長陵最大徑一百一
丈八尺次則永陵徑八十一丈各陵深廣丈尺不等
正前有明樓爲靈寢門惟永陵中爲券門左右牆門
各一樓前爲石几筵又前有殿有門舊名享殿嘉靖

十七年始名殿曰祫恩殿門曰祫恩門殿推長陵重
簷九間左右配殿各十五間永陵重簷七間配殿各
九間諸後俱殿五間配殿五間門外有神庫或一或
二神廟宰牲室有聖跡碑亭長陵有神功聖德碑在
神道並南諸陵碑俱就近安設長陵迤南有總神道
有石橋有石像坐廿八對擎天柱四石望柱二統于
表後神道各陵無南爲紅門門外石牌坊一紅門之
內有時陟殿爲車駕更衣之所感思殿在永陵稍東
駐蹕之所殿東爲神馬廐凡興建陵工勅武職大臣
斗員此部堂上官員總督庶程禮部堂上官一員總

擬規制要節堂上官一員總轄官軍科道官各計數
監視又勅內官監二三員提督工程嘉靖中勅命
臣知建造事各勅大臣取石採木司屬官二十員分
管工程

嘉辰洪武八年四月仁祖忌日帝躬詣皇陵致祭文
曰思往昔之艱難痛今朝之忌日音容杳絕三十二
年罔極之恩何從以報謹獻牲醴于陵下伏惟昭鑒
永樂元年禮部尚書李至剛等奏五月十日恭遇高皇
帝忌辰前二日爲始上服淺淡色衣御西廂門視事
不鳴鐘鼓不衍賞罰不舉音樂禁屠宰文武百官各

服淺淡色衣黑角帶朝參至日早止于奉先殿祭祀
仍率百官躬詣孝陵致祭公侯駙馬伯文武四品以
上及近侍官于殿前行禮五品以下官于門外行禮
祭月未日萬皇后忌辰禮亦如之于是至剛復緣宋
制請于天禧等五寺并朝天宮令僧道誦經三晝夜
帝曰人君之孝與庶人不同但謹身修德恪循成憲
使內無奸邪外無盜賊宗社奠安萬民樂業斯孝矣
修齋誦經其已之宣德四年令凡遇忌辰通政司禮
科兵馬司勿引囚奏事五年勅百官朝參輟奏事儀
此年五月帝謂尚書胡濙由朕念祖宗恩德深厚每

遇忌辰良切悲感。舊稽來錦。違心所安。其與翰林院
議。聞夫學士楊士奇。楊榮。學士楊溥。議每歲遇高廟
帝后文廟。帝后仁宗忌辰。上服淺淡色服。不鳴鐘鼓。
于奉天門視事。宣宗忌辰。小祥之日。于西角門視事。
弘治十四年。令凡遇忌辰。朝參官不得服紵絲紗羅。
宗景皇帝恭讓皇后忌辰。如遇節令。穿青綠花樣。宣
宗忌辰。如遇太常寺奏祭祀許服紅。十六年八月。吏
部尚書馬文升言。伏聞宣德間。有旨仁宗忌辰。諸司
悉免奏事。自太祖至仁宗。生忌俱輟朝。一旦其後不
知始于何時。仁宗忌辰。焯前奏事。惟太祖至憲宗忌

辰百官淺淡色服黑角帶朝廷亦出視朝鳴鐘鼓奏
事與親王郡王薨逝公侯伯并文武一品官病故輟
朝不鳴鐘鼓事例或有不同且與古禮未合又與憲
宗勅旨有違臣切思之自仁宗至憲宗世有遠近服
御隆殺臣愚欲自仁宗忌辰至英宗睿皇帝生忌日
炤舊視朝鳴鐘鼓百官淺淡色服黑角帶奏事若遇
憲宗皇帝孝穆皇太后忌日皇太子奉先等殿祭祀
畢御宮不出視朝着淺淡服進素膳淵默以居不預
他事或如宣宗聖旨自太祖至憲宗生忌炤舊例俱
輟朝一日若遇憲宗皇帝孝穆皇太后忌日仍如臣

前擬下禮部議部議謂古禮經傳所載忌日爲親死
之日則死官爲忌而非謂生辰也其由忌日恭用銀
以此日爲他事也曰忌日不樂果不可舉吉事也是
則此且當專意于哀思父母餘事皆當不舉矣升所
奏固爲有見但免朝事例迄今見行不敢更易惟聖
明裁處帝曰列聖忌辰已有旨以淺淡服色視事矣
嘉靖十八年令遇高廟帝后忌辰祭于景神殿列聖
帝后忌辰祭于永孝殿正十四年令遇忌辰仍舊亦
奉先殿致祭

禮二十一

凶禮五

外國表禮 諸臣表禮 乘輿爲王公
大臣奉祭 臨喪 朝 中官爲父
祖液 遣使 予表儀 命百官會喪儀
送封冊贈 購贈 遣使致奠 賜
祭 表葬之制 碑碣 賜諡

外國之喪大明集禮載乘輿受蕃國王計奏儀凡蕃
國王薨使者計奏至京太常司告示有司拱衛司前
期于西華門內壬地設御幄南向中陳御座置素褥
侍儀司設計者位于御幄南文武官侍立位于幄前
贊禮二人位于御幄北計者二人位于贊禮

之南引大武官四卷極手各官侍立位之北俱陳西
相向其日侍儀奏外辨皇帝素服乘輿詣帳次樂鼓
而不作百官素服侍立太常舞跪奏某國世子遣陪
臣某官某奏某國王臣某薨引禮引訃者入就拜位
贊禮唱再拜承制官跪承制由中道出至使者前稱
有制贊使者跪聽制承制官宣制曰皇帝致問爾某
國王某得何疾而逝使者荅故贊禮唱俯伏興承制
官由西道入跪奏宣制畢贊禮唱再拜太常舞奏禮
畢皇帝還宮儀仗導衛如初洪武三年三月安南使
團柱舜欽以其王陳日燿卒來告哀請命帝素服御

西華門見舜欽等遣翰林編修主廉性祭之賻以白
釜并士兩緡其才起又遣吏部主事林唐臣賡詔封
甘嫫爲安南國誥授以金印仍賜織金文綺紗縠四
疋定舜欽以下未回亦賜綺帛各有差采樂六年十
孫淳泥國王麻那惹加那乃以疾卒于會同館帝輟
朝三日遣官祭之賻以帛東宮暨親王各遣祭命工
部具棺槨明器葬于安德門外樹碑神道求西南癸
火之隸籍中國者守之立祠于墓命有司歲于春秋
用少牢祭之仍賜勅撫慰其子十五年九月蘇祿國
東年巴者葛剌答剌歸來稔洲病卒計闕遣官賜祭

命有司營墳葬以禮帝親爲栽樹得墓道留其地
婁及像從十人守墓令畢三年還國仍遣使贖歸
其長子都麻舍計九年四月古麻刺浪國王幹刺義
恭敦齋歸至福建以疾卒遣禮部監事楊善諭祭賜
諡康靖命有司治墳塋葬以玉禮命其子刺必嗣古
麻刺浪國王率衆以歸仍賜之鈔幣洪熙元年朝鮮
國王李禔以仁宗皇帝賓天遣陪臣金謙等進香幣
會典載是女直都督等官永樂年遣官贖香鈔諭
祭後定例因其奏請給輿表裏茶束各帶回身祭凡
遠官都督等官永樂宣德間來京痛故者隨時遣官

諭祭或賜棺賜葬後定例禮部于年終類奏分遣官祭之若在邊歿于戰陣者不拘此例凡外國使臣病故者令所在官司賜棺及祭或欲歸葬聽從其便萬曆四十八年定朝鮮差陪臣進香者雖遇服制已滿仍令喪服行禮其服如舊創工部製給

諸臣之喪明初功臣亡歿追念勲勞賻卹之典特從優厚真見諸司職掌其後文武諸臣卹典皆爲限制集禮載遣使問王公大臣疾儀是日使者奉命至病者家辭受問者出接于大門外之右引禮引使者入至正廳東面面立對無受問者入就廳下拜位北向

使者前稱有制贊禮唱再拜唱跪使者宣制曰皇帝
聞某官某疾遣臣某勞問宣制畢贊禮唱俯伏興再
拜攝受問者入告于病者出復命引禮引使者出攝
受問者送還大閱外使者還奏如問公主疾則遣內
使監官禮同

乘輿爲主公大臣舉哀儀洪武二年常遇春訃至帝
悲悼命議舉哀禮禮官請如宋太宗爲韓王趙普舉
哀儀遂定制凡王公薨訃報太常司告示百官拱衛
旬前期于西華門內空地設御幄南向陳御座亦並
於上置素褥侍儀司設計者位于御幄前之南設文

武官陪哭位于帷前東西相向奉慰位于訃者位之
此非向設贊禮字太位于訃者拜位之北引訃者太
位于贊禮處南引文武宦函太位于文武官陪位
太北皆東西相向其日拱衛司備儀仗于奉天門迎
獨引禮引文武百官素服由南華門入就陪哭位引
訃者亦由西華門入立位于西南待儀奏外辦皇帝
縗服乘輿詣帷儀仗分別于帷前之左右和聲郎陳
樂于御幄之南設而不作太常御于帷西跪奏其官
兼計某年月日臣某官以某疾薨請舉哀皇帝哭文
武常服位者皆哭哭者御跪奏並哭引禮引文武官

就奉慰母北向立東華前詣御前唱跪百遍若跪
首奉慰俯伏興文武官分班立引禮引訖者就拜在
贊禮唱四拜訖者退太常卿跪奏禮畢御輿還宮引
禮別訖者及百官以次出東宮爲王公舉哀儀同但
設帳于東宮西門外陪祭者皆東宮官屬

臨喪凡王公大臣訖祭畢太常司移文太史監擇皇
帝臨喪日期拱衛司前期于喪家大門外設大次南
向中置御座置素褥又設御座于喪家正廳之中南
向有司設文武官次于大次之左右侍儀司設文武
官陪立位于廳前左右引禮四人位于文武官之北

東西相向設喪主已下拜位于廳前北向主婦已下
哭位于殯北幔中其日鑿駕出宮侍儀兵衛導從如
常儀駕至喪者門外大次侍儀奏請降輅升輿入大
次御用監令奏請易素服百官各于便次易素服先
不就廳前分班侍立御輿出次喪主以下免經去杖
親服出迎于大門外望見乘輿止哭贊禮唱再拜訖
喪主以下先入于門內之西乘輿入門將軍四人前
導四人後從入至正廳侍儀跪奏請降輿升自中階
太常卿跪奏詣靈座前百官隨從立于後太常卿跪
奏舉哀皇帝哭百官皆哭太常卿跪奏止哭三上香

三琴酒導引皇帝東上殿御座喪主以下詣廳下拜
位贊禮唱再拜承制官前跪承制與詣喪主前五有
制喪主以下皆跪宣制訖喪主以下俯伏與再拜退
立于廳西太常卿跪奏禮畢皇帝升輿出至火次降
輿即御座易服訖御輿出喪主以下詣前再拜退皇
帝降輿升輅百官導引儀仗侍衛如來儀喪主杖哭
而退

輟朝洪武二十三年三月命禮部定公侯卒葬輟朝
禮禮部議公侯卒于家者聞喪輟朝三日卞葬輟
朝五日卒于外者聞喪輟朝一日柩至京輟朝三日

下葬仍報朝三日凡報朝之日不鳴鐘鼓各官服淺
淡色麻烏紗帽黑角帶朝服著爲冷初制都督至都
指揮率報朝三日永樂後定公侯駙馬伯病故俱報
朝三日六品官病故亦報朝一日先期禮部具奏出
示喪安左右門至日早朝不鳴鐘鼓不鳴鞭不設儀
仗百官淺淡服于奉天門朝參謝恩見朝官亦不用
松服

中宮爲父母祖父母喪儀凡中宮父母薨訃報太常
司轉報內使監計奏訖前期內使監官于別殿東壁
下設薦爲皇后舉哀粒麥肉命婦以下哭位內官導

引皇唐諸朝廢道使皇尊號考其官以其月其
日薨母則去妣某夫人祖則去祖考某官祖母則去
祖妣某夫人皇后哭內命婦以下皆從哭盡哀皇后
聞故又哭盡哀乃變素服內命婦皆易素服奏止哭
導引皇后以下還宮內使監令奏聞得旨皇后奔喪
前期于喪家設薦席于喪寢之東從臨內命婦哭位
于其下喪主以下哭位于喪寢之西主婦以下哭位
于喪寢之北幔下是日內使監進聖車備儀仗如常
儀導引皇后素服出宮升輿其面周以白布行帷至
閭外降輿升聖車至喪家大門內降輿哭入仍以行

帷圍護內命婦皆哭入喪主以下降詣西階下立哭
皇后升自東階進望戶東憑戶而哭從臨者皆哭于
左右喪主升自西階俱哭于尸西皇后至薦席哭位
內使監令跪請並哭應奉慰者詣皇后前奉慰如常
禮如本日本未即奔喪則是贖復哭于別殿內服監尚
服製皇后齊衰及從臨命婦孝服俟喪家成服日進
詣皇后及命婦詣靈前再拜止香復位再拜內使監
咨示儀仗至車御輿行帷導引如來儀如爲諸王外
嬖舉哀仍于別殿南向不設薦位

遣使弔喪儀太常制前期有司設宣制位

喪家正廳北南向，主受弔位，亦正廳之南，北向。
婦人立哭位，于殯北，幕下其日。使者至喪家，引禮，張
喪主，去杖，免經，喪服正，跪出迎于中門外，復洗入，就
廳前拜位。內外正，祭使者入，就廳正位，立稱有制，奠
送以下，再拜跪。使者宣制曰：皇帝聞基官薨，遣臣某
弔。宣畢，喪主以下復再拜禮畢。內外皆哭，使者出，喪
主隨至中門外拜送。使者杖哭而入，使者還奏東宮。
使則稱有令。

會百官會喪儀前期，有用示喪家，設位次。其日百官
應會弔者，素服至喪家，喪主以下就東階哭位。主婦

以下就殯北哭位贊禮以次引百官入就殯前位唱哭
百官哭喪至至婦以下皆哭唱正哭唱百官再拜喪
主以亦答拜班首詣喪主前展慰畢百官以次出喪
主隨至大門外拜送百官還杖哭而入會葬儀同
遣封冊贈前期禮部奏准製冊翰林院取旨製文中
書省禮部奏請某官爲使祭冊之自祠祭司設龍亭
魯亭亦午門前正中執事亦受冊者家設宣制官位
于正廳之東北南向喪主代受冊命者位于廳前北
至期禮部官封冊文以盞匣盛之黃袱裹置龍亭中
儀杖鼓樂前導至其家獻受冊者出迎于大門外執

事拜禮臺置廳上正東南向使者立於東階代受
冊者入就拜位再拜使者稍前稱有制然受冊者跪
使者宣制曰皇帝遣臣某冊贈故某官某爲某勳某
爵宣訖伏受冊者復再拜使者於龍亭取冊授祗受
冊者代受冊者捧置于靈座前使者出代受冊者送
至棧門外如不用冊者吏部用誥命喪主代受冊者
以冊文錄黃設祭儀于靈前代受冊者詣靈前再拜
三炷香三祭酒執事者展黃帛讀于靈座前之在喪
堂以下昏再拜幅焚黃禮畢洪武十五年禮部奏定
凡公侯進封贈諡不加散官職事吳良源贈特進榮

孫夫夫上柱國中軍都督府右都督建封江國公諡
襄烈李定贈開國輔運推誠宣力武臣柱國追封江
國公諡襄烈孫世原贈開國輔運推誠宣力武臣光
祿大夫柱國中軍都督府都督同知追封富春侯諡
忠勇今定贈開國輔運推誠宣力武臣追封富春侯
諡忠勇王真原贈開國輔運推誠宣力武臣柱國前
軍都督府都督同知追封臨沂侯諡桓義今定贈開
國輔運推誠宣力武臣追封臨沂侯諡桓義餘皆改
立詔從之

賻贈前期有司于喪家設使者宣制位于廳上東北

喪無滌祿拜位于麻前婦人拜位于殯北幕下其日
使者至午門前以龍亭盛賻物儀仗導引至喪家喪
主以下出迎于大門外執事昇龍亭先入就廳上置
軍中南向使者以立于東北喪主以下入就位使者
稱有制贊禮唱喪主以下皆再拜跪使者宣制曰皇
帝以某官薨遣臣某賻贈以助喪事宣畢喪主以下
復再拜內外皆哭執事者受賻物使者出執事昇龍
亭以出喪主隨出中門外拜送使者乃杖哭而入使
者還奏聞帝遣武靈薨喪葬之具凡百皆出于官不
煩其家所以優待勲臣非常典也諸司職掌載優給

則創一品米六寸石麻布六寸足二品米五寸石麻
布五寸足三品四品米四寸石麻布四寸足五品六
品米五寸石麻布三寸足凡陣亡者全支邊遠守禦
出征勞出海運糧病故者減半支給公侯病故給麻
布寸百疋永樂後定凡公侯駙馬伯齋糧麻布取自
置裁

遣使致奠前期有司于喪家靈前陳設几案位次其
日執事者陳設祭儀使者至喪家喪主出迎大門外復
先入立于靈前之右使者入就致奠位于靈前讀祝
末者位牙靈左使者詣香案前司香者捧香進于使

者之左贊禮唱立止番酌酒者以爵酒進使齋之右
贊禮唱三祭酒使者退復位立讀祝者取祝立讀訖
捧祝文詣燎所燎盡使者出喪主以下拜送于大門
外乃杖哭而入使皆還窆

賜祭洪武十四年九月襲封衍聖公孔希學卒禮部
遣官致祭祭葬煇一品官禮行太祖諭祭群臣文多
出御筆嘉靖中世宗爲尚書席書李承勛親作祭文
皆曠典也隆慶元年十二月禮部議上卹典條例凡
官員祭葬有無隆殺之等悉遵會典其特恩如待從
必日侍講讀軍功必躬履行陣春宮官必親奉出閣

聞陳有勞者悉遵嘉靖中題充軍例其祭葬皆于本
等品級內量加一等無祭者與祭一壇無葬者給與
羊肆牛葬者給與全葬如講讀官則五品本身有祭四
品本身父母得擬祭葬三品未滿得及其父母加恩成例
各有等差或有講讀年久啓沃功多軍旅身殲勲勞
茂著者恩卹自宜加厚臨時禮部議擬請裁一品官
與祭九壇父母妻加祭或二壇一壇或妻止于一壇
者恩難預擬遇有陳乞酌擬上請會典所定二品祭
數本身一壇有知東宮監祭或兼夫學士贈一品者

至四壇父母與妻俱一壇第年所議則例如致仕加
三少者加祭一壇如太子太保者加祭三壇其續奉
革者止與本等祭二壇妻未封夫人者不准與祭三
品祭葬不分在任致仕俱祭一壇兼學士贈尚書者
祭二壇未及考滿病故者祭一壇減半造葬悉如舊
例四五品官不得重封故四品官由六七品陞者父
母有祭由五品陞者以例不重封遂不得賜祭殊爲
不稱今後四品官凡經考滿者父母雖止授五品封
亦與祭內壇其未經考滿者不得越例陳乞四品以
且官本身及父母恩典必由考滿而後得然有二品

三品共歷四五等父母未教三品對有終不得需二
祭之典者宜并敘年資合後如二品三品共歷三年
級此禮雖未考三品滿本身及父母俱准與三品祭
葬並滿四品共歷三年以上者雖未考四品滿本身
准陪三品未考滿例祭一壇半葬父母准祭一壇凡
後勅間住者雖遇覃恩襲復致仕仍不准給祭葬勳
臣祭葬皇親出自上裁謝馬都尉祭十五壇公侯伯
在內掌府事坐營在外總兵有殊勳而加太子太保
以上者昭會典公侯祭十五壇伯祭十五壇掌府事
皆總兵歷有勳勞者與祭一壇掌府坐營積有年勞

者與祭五壇雖掌府躬坐營別敬續未著者與祭四壇管事而被劾勘明閒住者祭二壇被劾未經勘實者祭一壇勘實罪重者并奉贖應得祭葬皆削又正德間公侯伯本祭俱三壇嘉靖年仍祭二壇今宜照嘉靖間例以復會典之舊武臣祭葬正德嘉靖間題定都督同知僉事起用未久病故者與祭三壇錦衣衛指揮亦祭三壇署都督同知僉事例止與祭一壇餘推類行之萬曆六年更定凡致仕養病終養聽用等官祭葬俱與見任官同計正年續定被劾自陳致仕官有日久論定原無可議者仍照例給與祭葬父

母妻曾授本階封贈者應得卹典亦視本身以爲差等

喪葬之制洪武五年六月詔定凡襲衣三品以上三

襲四品五品共襲六品以下一襲斂舍五品以上飯

肆椁舍用珠斂品以上飯用梁舍用小珠銘旌以絳

帛爲之廣六幅四品以上長九尺六品以上長八尺

九品以上長七尺斂衣品官朝服一襲常服十襲衾

作菴靈座設于柩前用白絹結魂帛以依神棺擲品

官棺用油杉朱漆擲用土杉牆翼公侯六三品以上

四五品以上二引披鐸引者引車之紳也披者以纁

爲之繫于輓車兩楹旁執之以備傾覆者也鐸者

以銀爲之。所以節操。歌者公侯四引。次披左右各八
鐸。一品二品三引。四披左右各六鐸。三品四品二引
二披左右各四鐸。五品以下無引。二披左右各二鐸。
羽籥筦長九尺。五品以上一太執之。以引。柷六品以
下不用。功布品官用之。長三尺方相。四品以上四目。
七品以上兩目。八品以下不用。柝車上用竹格。以絲
結之。旁施帷幔。四角垂流蘇。誌者二片。品官皆用之。
其一爲蓋書某官之墓。其一爲底書姓名鄉里。三代
生年月日及子孫葬葬月日葬地。婦人則隨夫與子
孫葬。贈二布。相向用鐵束埋墓中。祭物四品以上用。

羊豕九品以上用豕明器洪武二年十月勅葬開平
忠武王常遇春于鍾山之陰給明器九十事納之墓
衆其明器鈕鼓四紅旂拂子各二紅羅蓋鞍籠各
六弓二箭三竈燈火爐各一以上俱以木爲之水罐
申頭盃台盞杓壺瓶酒甕唾壺水盆香爐各一燭台
二香合香匙各一香筋二香匙筋瓶茶錐茶盞各一
筋二匙一匙筋瓶一椀二櫟十二索二以上俱以錫
造金裹之班劍牙仗各一金裹立瓜骨朶戟響節各
二交椅脚踏馬杌各一誕馬六槍劍斧弩食辛床屏
風拄杖箱交床著卓各二櫬三以上俱以木爲之樂

工十人執儀仗三十人控出六人女使十人青
龍白虎朱雀玄武神四人門神二人武士十木並
木造各高一尺雜物晏六盤新鞋筍椗梳衿釵各
筓二簪二履篋餅二油瓶一紗厨煖帳各一束帛青
三段纁二段每段長一丈八尺五年詔定公侯九十
事一品二品八十事三品四品七十事五品五十事
六品七品三十事八品九品二十事

碑碣明初文武大臣薨逝例請牙上命翰林臣製文
立神道碑後漸不請惟徐達姚廣孝乃太祖成祖御
筆親爲文賜之弘治中莒國公先塋亦然洪武三年

禮部奏定五品以上許用碑龜趺螭首六品以下用
碑方趺圓首五年詔定功臣歿後封王螭首高三尺
二寸碑身高九尺廣三尺六寸龜趺高三尺八寸一
品螭首高三尺碑身高八尺五寸廣三尺四寸龜趺高
三尺六寸二品蓋用麟鳳高二尺八寸碑身高八尺
廣三尺二寸龜趺高三尺四寸三品蓋用天祿辟邪
高二尺六寸碑身高七尺五寸廣三尺龜趺高三尺
二寸四品圓首高二尺四寸碑身高七尺廣二尺八
寸方趺高三尺五品圓首高二尺二寸碑身高六尺
五寸廣二尺六寸方趺高二尺八寸六品圓首高二

尺碑身高六尺廣二尺四寸方跌高二尺六寸七品
圓首高一尺八寸碑身高五尺五寸廣二尺三寸方
跌高二尺四寸墳塋外戚揚王墳在鳳陽府盱眙縣
津里鎮洪武初設盱眙祠祭署置墳戶二百一十戶
徐王墳在鳳陽府宿州新豐里洪武初設宿州祠祭
署置墳戶九十三戶滁陽王墳在直隸滁州洪武初
立廟墳所置墳戶以奉祭祀洪武三年禮部尚書陶
凱奏定十品塋地周圍九十步墳高一丈八尺二品
塋地八十步墳高一丈四尺三品塋地七十步墳高
一丈二尺以上石獸並六四品六十步五品五十步

墳高八尺以上石獸並四六品四十步七品以下二
十步墳高六尺四年四月賜功臣守墳人戶韓國公
李善長魏國公徐達鄭國公常茂宋國公馮勝各一
階五十戶衛國公鄧愈延安侯唐勝宗吉安侯陸仲
享淮安侯華雲龍濟寧侯顧時臨江侯陳德長興侯
耿炳文靖海侯吳楨都督孫恪郭子興各一百戶五
年詔定功臣歿後封王塋地周圍一百步每面二十
五步墳高二丈四圍墳牆高一丈石人四文武各二
石虎羊馬石望柱各二一品至六品塋地如舊制七
品塋地周圍三十步下品墳高一丈八尺墳牆高九

夷石人溫遠武各一石鹿羊馬石望柱各二二品墳
高一丈六尺墳牆高八尺石人等與一品同並品墳
高一丈四尺墳牆高七尺石虎羊馬石望柱各二四
品墳高二丈二尺墳牆高六尺石虎羊馬望柱與三
品同五品墳高一丈墳牆高四尺石羊馬石望柱各
二六品墳高八尺七品墳高六尺成化十五年正月
南京禮部奏請修闡國勲臣墳墓開采王常遇春秋
陽王李文忠寧河王孫愈秦驍王湯和景國公嵩國
用黔國公吳復統國公俞通海靳國公康茂才梁國
公趙德勝濟國公丁德興蔡國公張德勝越國公胡

大海靖海侯吳楨江陰侯吳良諸勲臣墳墓俱在南
京城外文忠曾孫等以歲久頽壞爲言禮部以聞
帝曰崇德報勛國之重典開國諸勲臣出萬死以輔
成大業而爵位弗嗣已可憫念今墳墓頽廢而有司
不加之意其可乎主部其即命工修治無子孫者復
墓後一人守護之

賜諡親王諡例用一字郡王二字文武大臣亦用二
字與否皆自上裁若官品未高而侍從有勞或以死
勤事者特恩賜諡非常例所拘洪武初有應得諡者
禮部請旨議諡二十五年祭禮部行翰林院擬奏請

旨弘治四年令今後有乞恩贈諡者禮部酌定可否
務合公論勿槩此例濫請十五年禮臣奏准凡親王
薨逃行撫按等官覆勘郡王病故行本府親王及承
奉長史等官覆勘結報具奏定諡又奏准文武大臣
有請諡者禮部上請得旨行吏兵二部備考實蹟禮
部定爲三等以行業俱優者爲上行業頗可者爲中
行實無取者爲下開送翰林院擬諡請旨有應諡而
無諡者撫按科道官以聞舊制諡法自十七字至一
字各有等差然終高帝世文臣不可得武臣非贈侯
伯不可得魯秦二王曰荒曰愍愛子而不私法至嚴

也建文諡王禕成祖諡胡廣而文臣始有諡至世宗而濫及方士且加至四字非典矣其後得諡不止三品諡文不專詞臣或以勲勞或以節義其爲激勸一而已矣萬曆元年禮臣題准大臣應得諡者禮部廣加咨詢稽覈名實間有應諡而未經題請者不論遠近許各撫按及科道官從公舉奏禮部酌議補給十二年題准大臣諡號必其節槩爲朝野具瞻勲猷係國家休戚公論允服毫無瑕疵者具請上裁如行業平常即官品雖崇不得槩與三十一年禮部侍郎郭正域請嚴諡典以正公評自刑賞之窮而有諡自諡

之窮而有奪諡補諡當日與諡易今日補諡難補諡
最榮也其法不得不嚴當日不與諡易今日奪諡難
奪諡最辱也其法不得不恕今議應奪者四人爲許
論黃光昇呂本范謙諡美應改者一人爲陳瓚應補
者七人爲伍文定吳悌魯鐸楊繼盛鄒智楊源陳有
年天啓三年十月禮部尚書林堯俞言諡典五年一
舉自萬曆四十五年至今凡蒙卹過諸臣及已卹未
諡而子孫復陳乞者例應列名開立訪單先期分送
九卿并彙省諸臣會議應否易名各具事跡會臣部
酌擬奉聞帝是之六年禮科都給事中彭汝以議諡

號謂五年之限制宜遵耳目近則覩記真五年以內
其人之動履政績歷歷在人見聞乘時諮訪必確有
可據又謂三品以上之秩宜定古者三命不齒于鄉
公孤論道天子改容而禮誠以位望既崇歆歷日久
其德業文章必有表表特豎者又言建文諸臣叩馬
忠義雖無損弔伐之盛而迂闊紛更其瑕瑜自不相
掩又如陶安等之叅帷幄琛等之殉行間當日二
祖親見其事應諡與否豈無深意均未宜輕議者其
官久官卑生平行業卓有建樹者或酌取數人另立
一款予奪仍自上裁得旨易名重典已極濫觴限年

限官是爲砥柱。至于建文諸臣，尤宜斟酌事，不禮部。